

Xi³ ti¹tjon² xon⁴ xi³ pa²stro⁴ Pedro qui³squi³-le⁴ nca³ts²i³

Pedro si¹ti²nta³

1 An³ nia¹³ Pedro pa²stro⁴-le⁴ Jesucristo. Ti²cji³-no³ nca³ts²io³ xi³ cho⁴ta⁴xin²na³nquio³, xi³ ts²a³tji³vi¹son²³ nte³-ve⁴ ya⁴ Ponto, ya⁴ Galacia, ya⁴ Capadocia, ya⁴ Asia, ya⁴ Bitinia. ²Qui³tjoe¹jion³ jo³-s⁷in² nca³ to⁴nqui³-ni³ tsa³ve³-le⁴con³ Ni³na¹ N⁷ai³-na¹. Je² Espíritu Santo qui³si³tsje³-no³, jme¹-ni³ nca³ si⁴tjo³son²-si¹ni³lao⁴³ Jesucristo, c⁷oa⁴ jme¹-ni³ nca³ s⁷e⁴tsao³jon³-si¹ni³no³ cao⁴ njin¹-le⁴ Jesucristo. Ca²ta³s⁷e³sa³no³ cjoa⁴nta³, ca²ta³njen³nch⁷an¹jjin³-sa³ ni⁴ma⁴-no³.

Ti³cho³ya²-le⁴² xi³ ti¹jna³con³

³Jo¹ to⁴nta³-le⁴ Ni³na¹ N⁷ai³-le⁴ Jesucristo Nai³-na¹, xi³ c⁷oa⁴-s⁷in² to⁴tse³ cjoa⁴ma⁴ta³con² tjin¹-le⁴ nca³ qui³si³cho⁴tse⁴ya³-nca¹ni³na¹, jme¹-ni³ nca³ cho¹ya²-si¹ni³le⁴² xi³ ti¹jna³con³ nca³ ja³⁷a²ya³jjin³-ni³le⁴ c⁷en³ Jesucristo. ⁴Coi³ c⁷oa⁴-s⁷in² c⁷oi⁴cjoa⁴tjao²-no³ xi³ ni⁴c⁷ia³-jin² cjo⁴tson¹ya³-ni³, xi³ ni⁴c⁷ia³-jin² coan⁴jnti¹-ni³, ni⁴xi²ntso¹-jin², xi³ ti¹jna³tjao²-no³ ya⁴ nc⁷a³jmi³. ⁵Je² nca³n⁷ion¹-le⁴ Ni³na¹ si¹coi²nta⁴-

no³ nca³ ma³cjain¹-no³ sa³⁷nta³ s⁷e⁴-no³ je² cjoa⁴vi³tjo³ntjai² xi³ ti¹jna³nta³, xi³ coan⁴tsen³ c⁷ia⁴ ni⁴chjin³ xi³ cjoe⁴t⁷a³. ⁶Coi³ xi³ jon² cji³ma³tsjoa³-no³, nta³ tsa² jnco³jao² ni⁴chjin³ ma³chjen¹ nca³ ti³chja³⁷ao²³ cjoa⁴n⁷ain³ xi³ cja⁴⁷ai¹nca¹ tjin¹. ⁷C⁷oa⁴-s⁷in² ti¹cho²t⁷a³ xi³ ma³cjain¹-no³, jme¹-ni³ nca³ nta³ tjo¹sje³-ni³, tjo¹sje³je³ya³-ni³, jcha⁴xcon¹-ni³le⁴ c⁷ia⁴ nca³ coan⁴tsen³ Jesucristo. Je² xi³ ma³cjain¹-no³ nqui²sa⁴ to⁴nta³ chji¹-le⁴ cao⁴-ni³ tsa² taon⁴si³ne² xi³ fi³tson³, nta³ tsa² cho²t⁷a³-ni³ l'i¹. ⁸A³li²coi³ tsa³⁷yao³ Jesucristo, to⁴nca³ tjao²cha³-nio¹³. Ma³cjain¹-no³ xi³ t⁷a³ts⁷e⁴ nca³ je², nta³ tsa² tsi² ti³⁷yao³ nt⁷ai⁴-vi⁴. Cji³ma³tsjoa³-no³ cao⁴ jnco³ cjoa⁴tsjoa³ xi³ ni⁴²ya³-jin² xi³ ve³, xi³ n⁷ion¹ tjin¹-le⁴ cjoa⁴je³ya³. ⁹Coi³ nca³ ma³cjain¹-no³ s⁷e⁴-no³ cjoa⁴vi³tjo³ntjai² t⁷a³ts⁷e⁴ ni⁴ma⁴-no³. ¹⁰Je² cho⁴ta⁴ xi³ qui³nchja⁴ya³ t⁷a³ts⁷e⁴ Ni³na¹ tsa³ca¹ya³con³ je² cjoa⁴nta³ xi³ cjoa⁴⁷ai¹-no³ nca³ jon². N⁷ion¹ qui³tsi²na³nqui³ya² je² cho⁴ta⁴, n⁷ion¹ tsa³ca¹sjai³ jo³-s⁷in² vi²tjo⁴ntjai²-nia¹. ¹¹Tsa³ca¹sjai³jjin³ jña¹-le⁴ ni⁴chjin³-ni³, c⁷oa⁴ jo¹ coan⁴-ni³ xi³ qui³tso²-le⁴ je² Espíritu-le⁴ Cristo xi³ tsa³c⁷e²jna³jjin³ ni⁴ma⁴-le⁴,

c²ia⁴ nca³ to⁴nqui³-ni³ tsa³ca¹ya³con³
 cjoa⁴n²ain³ xi³ cjoa⁴ai¹-le⁴ Cristo,
 c²oa⁴ cjoa⁴je³ya³-le⁴ xi³ coan⁴scan³-
 ni³ s²e⁴-le⁴. ¹²Qui³ni²cho⁴ya³-le⁴
 cho⁴ta⁴-ve⁴ nca³ li² ti⁴a³ts²e⁴-jin²ni³,
 to⁴nca³ t²a³tsan⁴² qui³si³xa¹cao⁴
 je² cjoa⁴ xi³ qui³no²cjoa⁴ya³j³in³-
 no³ nt²ai⁴-vi⁴. Je² cho⁴ta⁴ xi³
 qui³nchja⁴ya³j³in³-no³ je² en¹nta³
 xi³ t²a³ts²e⁴ Cristo c²oa⁴qui³s²in³
 xi³ to⁴t²a³ts²e⁴ je² Espíritu Santo
 xi³ qui³ni²ca³sen¹-ni³ nc²a³jmi³. Je²
 a²ncje⁴ me³-le⁴ scoe⁴ je² cjoa⁴-ve⁴.

Tsje³ coan⁴nquin¹coa⁴² yao³-na¹

¹³Coi³ cjoa⁴-vi⁴ ti⁴ca³tio¹ntao³
 cjoa⁴fa³⁷ai³tsjen³-no³, to⁴jvi³ ti⁴yo³,
 ña³qui³ nta³ cho¹ya³-lao⁴³ je²
 cjoa⁴nta³ xi³ cjoa⁴ai¹-no³ c²ia⁴ nca³
 coan⁴tsen³-no³ Jesucristo. ¹⁴Jo³-ni³
 n²ti¹x³ti³nt²e¹ li² ni²tjo³son²-j²in²lao⁴³
 cjoa⁴chi⁴nca⁴-no³ jo³-ni³ nca³s²a⁴,
 c²ia⁴ nca³ tjio¹n²jion²-sa³ cjoa⁴fa³-
 ai³tsjen³-no³. ¹⁵Jo³-s²in² nca³ tsje³
 cjoan³ je² xi³ qui³nchja⁴-no³, c²oa⁴-
 ti⁴ jon² tsje³ ca²ta³mao³ jo³-s²in²
 ma³nquin¹cao⁴³ yao³-no³. ¹⁶C²oa⁴-
 s²in² tji¹t²a³ xon⁴: Tsje³ ca²ta³mao³
 nca³ jon², nca⁴ tsje³ nia¹³ nca³ an³.
¹⁷Tsa² N²ai³ c²oin¹-lao⁴³ je² xi³
 to⁴nco¹son² fi²cao⁴ nca³ts²i³ cho⁴ta⁴,
 nca³ v²e¹nta³j³in³ jo³ s²in¹ xa¹-le⁴
 nca³ j²nc¹j²nc¹, jcha⁴xcon¹³ Ni³na¹.
 C²oa⁴-s²in² ti⁴yo³cao⁴³ yao³-no³ jo³
 tjin¹ ni⁴chjin³ ti³ma³son²³ son³⁷nte³.
¹⁸Je³⁷yao³ nca³ coan³chji¹ntjao²³
 jo³-s²in² nca³ ch²ao³ tsa³qui³yo³, xi³
 c²oa⁴-s²in² qui³s²e³-no³ jo³-ni³ tsa²
 cjoa⁴tjao²-le⁴ xi³jcha¹-no³. Li² tsa²
 coan³chji¹ntjai²-jion²³ cao⁴ tso³jmi²
 xi³ fi³tson³, ni⁴ cao⁴ taon⁴si³ne²-j²in²,
 ni⁴ cao⁴ taon⁴choa³-j²in², ¹⁹to⁴nca³
 coan³chji¹ntjao²³ cao⁴ je² njin¹-

le⁴ Cristo xi³ n²ion¹ chji¹-le⁴, xi³
 jo³-ni³ tsa² ts²e⁴ n²ti¹va³rre² xi³
 tsi² jña³ ch²ao³ cji³-le⁴ xi³ ña³qui³
 tsje³. ²⁰Cristo c²oa⁴-s²in² to⁴nqui³-
 ni³ qui³sa³sen³nta³ jo³ sa³⁷nta³
 nca³s²a⁴, nca³ cje³ s²e³nta³-j²in²
 son³⁷nte³, to⁴nca³ je³coan³tsen³ je²
 ni⁴chjin³fe³t²a³-vi⁴ xi³ t²a³tsaon⁴³.
²¹Xi³ to⁴t²a³ts²e⁴ Cristo ma³cjain¹-
 no³ xi³ t²a³ts²e⁴ Ni³na¹, je² xi³
 qui³si³cja³⁷a¹ya³j³in³-ni³le⁴ c²en³, c²oa⁴-
 ti⁴ je² xi³ qui³tsjoa³-le⁴ cjoa⁴je³ya³.
 Coi³ cjoa⁴-vi⁴ nca³ c²oa⁴-s²in²
 ma³cjain¹-no³, c²oa⁴ cho¹ya³-lao⁴³
 t²a³ts²e⁴ Ni³na¹. ²²Qui³ni²tsjao³
 ni⁴ma⁴-no³ nca³ qui³ni²tjo³son²-
 lao⁴³ xi³ cjoa⁴qui²xi⁴ xi³ to⁴t²a³ts²e⁴
 je² Espíritu Santo, nca³ ña³qui³
 cjoa⁴qui²xi⁴ ma³tsjoa³chao³ nts²ao³.
 N²ion¹ nta³ ca²ta³ma³tsjoa³chao³
 xi²nquio⁴³ cao⁴ ni⁴ma⁴-no³ xi³ tsje³
 tjin¹. ²³Qui³tsin³ nqui²j²nc³c²ao²³,
 a³li² ts²e⁴ ntje⁴ xi³ fi³tson³-j²in²,
 to⁴nca³ ts²e⁴ xi³ tsa² fi³tson³,
 xi³ to⁴t²a³ts²e⁴ en¹-le⁴ Ni³na¹ xi³
 ti¹jna³con³, c²oa⁴ xi³ c²oe¹jna³ntsjai².
²⁴Nca³ts²i³ cho⁴ta⁴ nco³ya³-le⁴
 tsa² xca⁴, c²oa⁴ je² cjoa⁴je³ya³-le⁴
 cho⁴ta⁴son³⁷nte³ nco³ya³-le⁴ tsa²
 na³xo¹-le⁴ xca⁴. Xi² xca⁴-ve⁴, c²oa⁴
 na³xo¹-le⁴ tsa³. ²⁵To⁴nca³ je² en¹-le⁴
 Nai³-na¹ ña³qui³ ti¹jna³ nca³ntsjai².
 Je² en¹-vi⁴ je² en¹nta³ xi³ t²a³ts²e⁴
 Cristo xi³ qui³no²cjoa⁴ya³j³in³-no³.
2 T²e²jnao³-ni³ nca³yi³je³
 cjoa⁴ts²en⁴, cao⁴
 nca³yi³je³ cjoa⁴ch²a²na⁴cha⁴,
 cao⁴ cjoa⁴jao²ncjain¹, cao⁴
 cjoa⁴xin²ta³con², cao⁴
 cjoa⁴xin²ta³con², cao⁴ nca³yi³je³ xi³
 no²cjoa⁴⁷aon³. ²Jo³-ni³ n²ti¹le³ xi³
 s²a⁴ ca²tsin³, ca²ta³ma³me³-no³ je²
 nta¹chi³qui³ xi³ t²a³ts²e⁴ ni⁴ma⁴-

no³, xi³ ña³qui³ nta³, jme¹-ni³ nca³
c⁷oa⁴-s⁷in² coan⁴jcha¹-si¹nio³ nca³
coi²tjo⁴ntjao²³. ³Nca⁴ qui³cho²t⁷ao³
nca³ je² Nai³-na¹ tjin¹-le⁴ cjoa⁴nta³.

Je² la⁴jao⁴ xi³ ti¹jna³con³

⁴Ti⁴chian³t⁷a³-lao⁴³ yao³-no³ Nai³-
na¹, je² jo³-ni³ la⁴jao⁴ xi³ ti¹jna³con³,
xi³ cho⁴ta⁴ tsa³cja³⁷a¹xin², to⁴nca³
xi³ Ni³na¹ tsa³cja³⁷a¹jjin³ nca³ n⁷ion¹
chji¹-le⁴. ⁵C⁷oa⁴-ti⁴ jon² jo³-ni³ tsa²
la⁴jao⁴ xi³ tjio¹con³ ca²ta³mao³,
jnco³ ni³⁷ya³ xi³ ts⁷e⁴ espíritu,
c⁷oa⁴ ca²ta³mao³ na⁴⁷mi³ xi³ tsje³
nca³ c⁷oi⁴t⁷a³-nio³ cjoa⁴tjao²
xi³ ts⁷e⁴ espíritu, xi³ sa³sen¹-
le⁴ Ni³na¹, to⁴t⁷a³ts⁷e⁴ Jesucristo.
⁶Jo³-s⁷in² ti¹nchja⁴ xon⁴ Escritura:
Coe⁴-ni³ ya⁴ Sión c⁷oe³jna²³ xi³
lao⁴ti¹tjon² xi³ lao⁴xi⁴nqui⁴, xi³
n⁷ion¹ chji¹-le⁴. Coi³ la⁴jao⁴-ve⁴
Cristo ni¹. Je² xi³ coan⁴cjain¹-le⁴
xi³ t⁷a³ts⁷e⁴ li²coi³ coan⁴soa³-le⁴.
⁷Cjai¹nca³ tjin¹-le⁴ cjoa⁴je³ya³ xi³
t⁷a³tsaon⁴³ xi³ ma³cjain¹-no³ xi³
t⁷a³ts⁷e⁴. Xi³ t⁷a³ts⁷e⁴ je² xi³ tsi²
si¹tjo³son², je² jo³-ni³ la⁴jao⁴ xi³
chji⁴ne⁴xjao¹ tsa³cja³⁷a¹xin², to⁴nca³
coan³ la⁴jao⁴xi⁴nqui⁴, ⁸c⁷oa⁴ la⁴jao⁴
xi³ sa⁴te¹nqui³, c⁷oa⁴ la⁴jao⁴nti¹
xi³ si¹jtj³-le⁴ je² xi³ sa³te¹nqui³
to⁴t⁷a³ts⁷e⁴ je² en¹-le⁴ Ni³na¹ nca⁴
ts⁷a³ntjai²cjoa⁴, nca³ c⁷oa⁴-s⁷in²
tsa³c⁷ai²-ni³le⁴.

Je² na⁴xi⁴na³nta¹-le⁴ Ni³na¹

⁹Jon² nio¹³ na⁴xi⁴na³nta¹ xi³
qui³tjo³jion³. Jon² nio¹³ na⁴⁷mi³
xi³ nc⁷a³ xa¹-le⁴. Jon² nio¹³
na⁴xi⁴na³nta¹ xi³ tsje³, na⁴xi⁴na³nta¹
t⁷a³ts⁷e⁴ Ni³na¹, jme¹-ni³ nca³
coi⁴no²cjoa⁴ya³-nio³ cjoa⁴nta³ xi³
ts⁷e⁴ Ni³na¹ xi³ qui³nchja⁴-no³

jña³ nca³ i³sen³xcon¹, ji²tjo⁴³ jña³
nca³ njion². ¹⁰Jon² nca³s⁷a⁴ a³li²
na⁴xi⁴na³nta¹-jion²³, to⁴nca³ nt⁷ai⁴-vi⁴
Ni³na¹ no²cjoa⁴-nio³. Nca³s⁷a⁴ li²coi³
coan³ma⁴que³-no³ Ni³na¹, to⁴nca³
nt⁷ai⁴-vi⁴ je³coan³ma⁴que³-no³.

**Nta³ coan⁴nquin¹coa⁴² yao³-na¹
jo³-ni³ tsa² je² xi³ si¹xa¹-le⁴ Ni³na¹**

¹¹Jon² xi³ tsjoa³que⁴-
no³, v⁷e³ts⁷oa²³-no³
jo³-ni³ tsa² cho⁴ta⁴xin²na³nqui³
xi³ to⁴tjio¹tso³ma²son² son³⁷nte³,
ta⁴te²chjoa²-lao⁴³ yao³-no³
cjoa⁴chi⁴nca⁴-le⁴ xi³ cjan¹cao⁴
ni⁴ma⁴-no³. ¹²Nta³ ta³nquin¹cao⁴³
yao³-no³ ya⁴jjin³-le⁴ cho⁴ta⁴ xi³
li² judío-jin². Nta³ tsa² jo³-ni³
cho⁴ta⁴ts⁷en⁴ ve³con³-no³, c⁷ia⁴
tsa² scoe⁴ nca³ nta³ xa¹-no³,
c⁷oa⁴sje³je³ya³ Ni³na¹ coi³ ni⁴chjin³
nca³ Ni³na¹ cjoa⁴⁷ai¹con³-le⁴. ¹³Xi³
to⁴t⁷a³ts⁷e⁴ Ni³na¹ ti⁴tjo³son²-lao⁴³
nca³ts⁷i³ xi³ va³te¹xo³ma³-no³,
tsa² cho⁴ta⁴ti¹tjon² ti⁴tjo³son²-
lao⁴³ jo³-ni³ nca³jco⁴-le⁴ nca³yi³je³,
¹⁴tsa² gobernador c⁷oa⁴-ti⁴
ti⁴tjo³son²-lao⁴³ jo³-ni³ tsa² xi³
Ni³na¹ qui³si³ca³sen¹ nca³jao⁴-
le⁴, nca³ tsjoa¹-le⁴ cjoa⁴n⁷ain³
cho⁴ta⁴ts⁷en⁴, c⁷oa⁴ nca³
c⁷oa⁴sje³nta³ xi³ nta³ s⁷in¹. ¹⁵Je²-
vi⁴ xi³ me³-le⁴ Ni³na¹ nca³ nta³
n⁷iaon²³. C⁷oa⁴-s⁷in² c⁷oe¹chjoao²³
cjoa⁴njion²ta³con²-le⁴ cho⁴ta⁴ xi³
tsi²jme³ cjoa⁴fa³⁷ai³tsjen³ tjin¹-
le⁴. ¹⁶Jon² xi³ cho⁴ta⁴ntai¹ nio¹³.
A³li² ni²chjen¹-jion²³ cjoa⁴ntai¹-
no³ nca³ c⁷oe¹⁷ma³ cjoa⁴ts⁷en⁴-no³,
to⁴nca³ c⁷oa⁴t⁷iaon⁴³ jo³-ni³ tsa² je²
xi³ si¹xa¹-le⁴ Ni³na¹. ¹⁷Jcha⁴xcon¹³
nca³ts⁷i³. Ca²ta³ma³tsjoa³chao³
nts⁷ao³. Ti⁴jcon¹chao³ Ni³na¹.

Jcha⁴xcon¹³ cho⁴ta⁴ti¹tjon².
 18 Cho⁴⁷ntao³, jcha⁴xcon¹³
 ti⁴tjo³son²-lao⁴³ nai³-no³. A³li²
 to⁴je²-jin² ni²tjo³son²-lao⁴³ xi³
 nta³, xi³ ve³tjao²-no³. C⁷oa⁴-
 ti⁴ ti⁴tjo³son²-lao⁴³ je² xi³ cao⁴
 cjoa⁴ts⁷en⁴ v⁷e¹xa¹-no³. 19 Je²-vi⁴ xi³
 nta³ sa³sen¹-le⁴ Ni³na¹, tsa² jnc³
 xi³ to⁴t⁷a³ts⁷e⁴ cjoa⁴fa³⁷ai³tsjen³-le⁴
 nqui³xcon⁴ Ni³na¹, si¹cjain¹-
 le⁴ cjoa⁴n⁷ain³ xi³ tsi² tsa²
 va³quin²-le⁴. 20 Jme¹ chji¹-le⁴ tsa²
 jcho¹cjoa⁴-no³ c⁷ia⁴ nca³ ma³jtsin³-
 no³ nca³ vi³jncho³ je¹. To⁴nca³
 tsa² jcho¹cjoa⁴-no³ c⁷ia⁴ nca³
 v⁷ai²-no³ cjoa⁴n⁷ain³ nca³ nta³
 n⁷iaon²³, je²-vi⁴ xi³ cjoa⁴qui²xi⁴
 sa³sen¹-le⁴ Ni³na¹. 21 Coi³ cjoa⁴
 qui³no²cjoa⁴-ni³no³. Je² Cristo
 c⁷oa⁴-ti⁴ tsa³cja³⁷a¹ cjoa⁴n⁷ain³ xi³
 t⁷a³tsan⁴². Tsa³c⁷e¹jna³cho⁴ya³-
 na¹ ntia⁴² xi³ ts⁷e⁴, jme¹-ni³ nca³
 c⁷oa⁴-ti⁴ jon² coi⁴ma³-si¹nio³
 jo³-s⁷in² tsa³c⁷a³mjen³ nca³ je¹.
 22 Cristo li²coi³ tsa³jnqui³ je¹, ni⁴
 qui³nchja⁴-jin² en¹ch⁷a²na⁴cha⁴.
 23 C⁷ia⁴ nca³ qui³no²cjoa⁴⁷aon³-
 le⁴ ni⁴jo³-jin² qui³tso² nca³ je².
 C⁷ia⁴ nca³ tsa³cja³⁷a¹ cjoa⁴n⁷ain³
 li²coi³ qui³scan³cao⁴, to⁴ya⁴
 qui³sca³ni¹t⁷a³-le⁴ cjoa⁴ je² xi³
 v⁷e¹nta³j³in³ cao⁴ cjoa⁴qui²xi⁴.
 24 Je² soa³ tsa³c⁷a³ xi³ tsan⁴² je¹,
 c⁷ia⁴ nca³ qui³tsjen³tjen⁴va³t⁷a³
 cro² yao³-le⁴, jme¹-ni³ nca³
 coi⁴yo³chon³-si¹nia³² t⁷a³ts⁷e⁴
 cjoa⁴qui²xi⁴, nca⁴ je³ti³yo³t⁷a³xin²-
 le⁴² xi³ je¹ ⁷mi² jo³-ni³ tsa² c⁷en³.
 Coi³ nca³ qui³tsin²⁷aon³ nca³ je²,
 coi³ coan³nta³-nio³. 25 Jon² nio¹³
 jo³-ni³ va³rre² xi³ qui³cha³xcon³
 ntia⁴²-le⁴, to⁴nca³ nt⁷ai⁴-vi⁴
 je³ji³n⁷choa³n⁷choe²-nio³ nqui²ntia³

je² Pastor xi³ si¹coi²nta⁴ ni⁴ma⁴-
 no³.

Jo³-s⁷in² ma³chjen¹ nca³ fi²cao⁴ yao³-
 le⁴ xi³ ya¹nchjin¹, c⁷oa⁴ xi³ x⁷in⁴-le⁴

3 C⁷oa⁴-ti⁴s⁷in²ni³ jon² xi³
 ya¹nchjon¹³, na³nqui³ ti⁴yo³-
 lao⁴³ x⁷in⁴-no³, jme¹-ni³ nca³ je²
 x⁷in⁴-no³ xi³ tsi² ma³cjain¹-le⁴
 je² en¹-le⁴ Ni³na¹ coi⁴njen⁴t⁷a³-
 si¹ni³le⁴ Cristo, a³li² to⁴t⁷a³ts⁷e⁴
 en¹-le⁴ ya¹nchjin¹-le⁴jin², to⁴coi³
 cjoa⁴ nca³ nta³ fi²cao⁴ yao³-le⁴ je²
 ya¹nchjin¹-le⁴. 2 Nca⁴ co³tsen³-no³
 nca³ tsje³ ti³yo³cao⁴³ yao³-no³, nca³
 vi³jcon³chao³. 3 A³li² to⁴son²nc⁷a³-
 le⁴jin² nca³ nta³ sa³yo³-lao⁴³, nca³
 jo³ nta³ v⁷e²n⁷ion¹³ ntsja⁴-no³,
 nca³ v⁷e²nqui³ xi³ taon⁴si³ne²,
 nca³ jo³ xcon¹ cjoan³ na³jño³-
 no³, 4 to⁴nca³ ti⁴chjaon¹³ xi³
 ti¹jna³⁷ma³ ja⁴jin³ ni⁴ma⁴-na¹,
 xi³ tsi² tsa² fi³tson³ nca³ ts⁷e⁴
 ni⁴ma⁴nt⁷e¹ xi³ to⁴jvi³. Je² xi³
 nqui²sa⁴ tse³ chji¹-le⁴ nqui³xcon⁴
 Ni³na¹. 5 Ni⁴chjin³ jchi¹nca³ je²
 ya¹nchjin¹ xi³ tsje³ tjio¹, xi³
 qui³sco³ya²-le⁴ Ni³na¹, c⁷oa⁴-
 s⁷in² qui³si³chjen¹ ni⁴ma⁴nta³-le⁴,
 nca³ na³nqui³ tsa³ca³tio²-le⁴
 x⁷in⁴-le⁴. 6 Jo³ qui³s⁷in³ Sara
 nca³ qui³si³tjo³son²-le⁴ Abraham,
 nca³ nai³-na⁴ qui³tso²-le⁴. Jon²
 nio¹³ ja⁴xti³ya¹nchjin¹-le⁴ Sara,
 tsa² nta³ n⁷iaon²³, tsa² tsi²jme³
 xi³ ma³xcon¹-no³. 7 Jon², xi³
 x⁷ion⁴³, c⁷oa⁴-ti⁴s⁷in² ti⁴yo³cao⁴³
 ya¹nchjin¹-no³ jo³-s⁷in² nca³ nta³
 ma³cho⁴ya³-no³. Jcha⁴cho⁴tao⁴³
 ya¹nchjin¹-no³ jo³-ni³ tsa² jnc³
 cho⁴tsin¹ xi³ nqui²sa⁴ čhjo³,
 nca⁴ to⁴jnc³ tjin¹-no³ cjoa⁴tjao²
 xi³ cjoa⁴vi³jna³chon³, jme¹-ni³

nca³ je² xi³ v²e²ts²oao³ li²coi³
sa⁴te¹chjoa²-si¹ni³.

**Chja⁴²a²xian² xi³ ch²ao³ tjin¹,
c²oa⁴s²ian⁴² xi³ nta³ tjin¹**

⁸Xi³ fe³t²a³-ni³, nca³ts²io³ to⁴jnc³
t²iaon⁴³ ni⁴ma⁴-no³, ti⁴jao²-ta³con²³,
tjao²cha³ ca²ta³mao³ xi²nquo⁴³ jo³-
ni³ tsa² nts²ao³, jcha⁴ma⁴ta³con²³
xi²nquo⁴³, i³nta³na³nqui³
cho⁴vao²³. ⁹A³li² cjoa⁴ts²en⁴.jin²
ni²nco¹son²cao⁴³ xi³ cjoa⁴ts²en⁴, a³li²
cjoa⁴⁷aon³ta³con².jin² ni²nco¹son²cao⁴³
xi³ cjoa⁴⁷aon³ta³con², to⁴sa³ nta³
ti⁴chi³con³t²aon³. Je³⁷yao³ nca³ coi³
qui³no²cjoa⁴-no³, jme¹-ni³ nca³ s²e⁴-
si¹ni³no³ cjoa⁴ni²chi³con³t²ain³. ¹⁰Je²
xi³ me³-le⁴ tjao²que³ cjoa⁴vi³jna³chon³,
xi³ me³-le⁴ scoe⁴ ni⁴chjin³ xi³
nta³, ca²ta³v²e¹chjoa²-le⁴ ni⁴jen⁴
xi³ cjoa⁴ts²en⁴, je² chjoa⁴ts²oa³
a³li² nchja⁴-jin² en¹ch²a²na⁴cha⁴.
¹¹Ca²ta³va³sen²xin²-le⁴ cjoa⁴ts²en⁴,
nta³ ca²ta³s²in¹. Ca²ta³va¹sjai³
cjoa⁴nch²an¹ta³con², c²oa⁴-s²in²
ca²ta³fi²tjen⁴nqui³-le⁴. ¹²Xcon⁴ Nai³-
na¹ ya⁴ ti¹co³tsen³-le⁴ xi³ qui²xi⁴
v²e¹ma³, c²oa⁴ xo⁴no³ ti¹nch²oe¹-le⁴
xi³ v²e¹ts²oa³, to⁴nca³ ncjain¹ Nai³-na¹
ch²ao³ ti¹va³-le⁴ xi³ s²in¹ cjoa⁴ts²en⁴.
¹³ya¹-ni³ xi³ coan⁴-le⁴ si⁴²qui²⁷aon³-no³,
tsa² jon² ma³nquin¹tjen⁴nqui³-lao⁴³ xi³
nta³ tjin¹. ¹⁴C²oa⁴-ti⁴ tsa² cjoa⁴n²ain³
chja³⁷ao²³ xi³ to⁴t²a³ts²e⁴ xi³ nta³
n²iaon²³, jo¹ to⁴nta³-no³. A³li² jcon³-
jin²lao⁴³ nca³ je², a³li² c²oa⁴.jin²
ma³-no³. ¹⁵To⁴nca³ ja⁴jin³ ni⁴ma⁴-
no³ jcha⁴xcon¹³ Ni³na¹ xi³ Nai³-na¹.
Cao⁴ cjoa⁴nt²e¹ cao⁴ cjoa⁴xcon¹ta³con²
ti⁴yo³ntao³ nca³ntsjai², nca³ coan⁴
coi⁴xon¹ya³-lao⁴³ nca³ jnc³oinc³ xi³
sco¹na³nqui³ya³-no³ xi³ t²a³ts²e⁴ cjoa⁴
xi³ ti³cho³ya²-lao⁴³. ¹⁶Ca²ta³s²e³-

no³ cjoa⁴fa³⁷ai³tsjen³ xi³ nta³ tjin¹,
jme¹-ni³ nca³ coan⁴soa³-si¹ni³le⁴ je²
xi³ fa³je¹t²a³ t²a³tsaon⁴³ jo³-ni³ tsa²
cho⁴ta⁴ts²aon⁴³, xi³ nchja⁴⁷aon³-no³
nca³ nta³ ti³ma³nquin¹cao⁴³ yao³-
no³ t²a³ts²e⁴ Cristo. ¹⁷Tsa² c²oa⁴-s²in²
me³-le⁴ Ni³na¹, to⁴sa³ nqui²sa⁴
nta³ tsa² chja³⁷ao²³ cjoa⁴n²ain³ xi³
to⁴t²a³ts²e⁴ xi³ nta³ n²iaon²³, cao⁴-
ni³ tsa² xi³ to⁴t²a³ts²e⁴ xi³ ch²ao³
s²iaon⁴³. ¹⁸C²oa⁴-ti⁴ to⁴jnc³ c²a², ntia³
tsa³cja³⁷a¹n²ion¹ cjoa⁴n²ain³ Cristo xi³
to⁴t²a³ts²e⁴ cjoa⁴ts²en⁴. Je² xi³ tjin¹-
le⁴ cjoa⁴qui²xi⁴ tsa³cja³⁷a¹ cjoa⁴n²ain³
xi³ t²a³ts²e⁴ xi³ tsin²-le⁴ cjoa⁴qui²xi⁴,
jme¹-ni³ nca³ coai⁴cao⁴-si¹ni³na¹
Ni³na¹. Na³qui³ c²en³ jo³ cjoan³
yao³-le⁴, to⁴nca³ qui³ni²c²e²jna³con³
jo³ cjoan³ espíritu-le⁴. ¹⁹Cao⁴ coi³
espíritu-le⁴ qui³ qui³nchja⁴ya³jain³-le⁴
je² espíritu xi³ tjio¹ cjoa⁴n²ain³, ²⁰xi³
nca³s²a⁴ ts²a³ntjai²cjoa⁴ coan³. Ni³na¹
cao⁴ cjoa⁴ts²e³jta³ qui³si³cjain¹-le⁴ je²
cho⁴ta⁴ts²a³ntjai²cjoa⁴-ve⁴ c²ia⁴ ni⁴chjin³
nca³ Noé ti¹v²e¹nta³ je² barco. Ja⁴ya³
barco-ve⁴ to⁴choa³ cho⁴ta⁴, to⁴jin³
ma³-ni³, xi³ ji³tjo³ntjai²jin³ na³nta¹.
²¹Je² na³nta¹-ve⁴ nco³ya³-le⁴ je² xi³
nt²ai⁴-vi⁴ v²a³sje³ntjai²-na¹, xi³ coi³
cjoa⁴sa³te¹nta¹. Je² cjoa⁴sa³te¹nta¹
li²coi³ fa³⁷a¹xin²-na¹ cjoa⁴ts²en⁴-le⁴
yao³-na¹. To⁴coi³ xi³ tso² nca³ nta³
cjoa⁴fa³⁷ai³tsjen³ tjin¹-na¹ nqui³xcon⁴
Ni³na¹ to⁴t²a³ts²e⁴ nca³ ja³⁷a²ya³-ni³le⁴
Cristo. ²²Qui³mi³ nc²a³jmi³ Cristo.
Ti¹jna³t²a³ nca³ qui²xi⁴-le⁴ Ni³na¹.
A²nce⁴ cao⁴ nca³yi³je³ cjoa⁴te¹xo³ma³
cao⁴ nca³yi³je³ nca³n²ion¹ tjio¹nqui³-le⁴
nca³ je².

Nta³ si⁴chjen¹ cjoa⁴nta³-le⁴ Ni³na¹

4 Xi³ t²a³tsan⁴² Cristo tsa³cja³⁷a¹-
ni³ cjoa⁴n²ain³ yao³-le⁴. Jon²

c²oa⁴-ti⁴s²in² chjoao¹³ nca³n⁷ion¹ cao⁴
xi³ ti⁴je²-ni³ cjoa⁴fa³⁷ai³tsjen³. Je² xi³
tsa³cja³⁷a¹-ni³ cjoa⁴n⁷ain³ yao³-le⁴,
li²coi³ ti⁴je¹ va³jnqui³-ni³, ²jme¹-
ni³ nca³ je² v⁷e²jna³-si¹ni³ jo³-s⁷in²
nca³ me³-le⁴ Ni³na¹ je² ni⁴chjin³
nca³ ti¹jna³-sa³. Li²coi³ v⁷e²jna³jⁱⁿ³
cjoa⁴chi⁴nca⁴-le⁴ cho⁴ta⁴son³⁷nte³.
³Je³coan³-ni³na¹ ni⁴chjin³ xi³
je³ja³⁷a³to³ nca³ c²oa⁴qui³n⁷ian²
jo³-s⁷in² coan³me³-le⁴ cho⁴ta⁴ xi³ li²
judío-jin², c⁷ia⁴ nca³ tsa³nquin¹coa⁴²
yao³-na¹ nca³yi³je³ xi³ ch⁷ao³
tjin¹, cao⁴ cjoa⁴xin²ta³con², cao⁴
cjoa⁴ch⁷i⁴, cao⁴ cjoa⁴vi³chi³s⁷joe², cao⁴
cjoa⁴vi³chi³s⁷oia¹, nca³ tsa³⁷ya³xcon¹
xco¹son² xi³ li²coi³ tjo³⁷nte³-na¹.
⁴Coi³ cjoa⁴ je³cji³ma³xcon¹-ni³le⁴
nca³ tsi² tsa² ma³nquin¹cao⁴³
xi³ ti⁴je²-ni³ cjoa⁴ xi³ li²coi³
ti⁴ma³nt⁷e¹-ni³, xi³ si¹qui³tson¹ya³.
Tjio¹nchja⁴⁷aon³-no³. ⁵Je² cho⁴ta⁴
xo⁴cjoan³-ve⁴ tsjoa¹-le⁴ coi²nta⁴ je²
xi³ ti¹jna³nta³ nca³ c⁷oe⁴²nta³jⁱⁿ³-
ni³le⁴ xi³ tjio¹con³ cao⁴ xi³
tjio¹c⁷en³. ⁶Coi³ cjoa⁴ nca³ c²oa⁴-ti⁴
qui³no²cjoa⁴ya³jⁱⁿ³-le⁴ xi³ tjio¹c⁷en³
je² en¹nta³ xi³ t⁷a³ts⁷e⁴ Cristo,
jme¹-ni³ nca³ coa⁴tio⁴con³-si¹ni³
cao⁴ espíritu jo³-s⁷in² ti¹jna³con³
Ni³na¹, nta³ tsa² qui³s⁷e³nta³jⁱⁿ³-
ni³le⁴ jo³-s⁷in² s⁷e³nta³jⁱⁿ³-le⁴
cho⁴ta⁴son³⁷nte³ c⁷ia⁴ nca³ tjio¹con³-
ni³ yao³-le⁴. ⁷To⁴nca³ ma³chian³-le⁴
nca³ cjoe⁴t⁷a³ nca³yi³je³ cjoa⁴. To⁴ji³
to⁴⁷i³nta³ ti⁴yo³, t⁷e²ts⁷oa³ntsjao²³.
⁸Xi³ ti¹tjon²-le⁴ nca³yi³je³ cjoa⁴,
n⁷ion¹ ca²ta³ma³tsjoa³chao³
xi²nquio⁴³, nca⁴ ncjin² cjoa⁴ts⁷en⁴
v⁷e¹ma³t⁷ain³ cjoa⁴tjao²cha³-ve⁴.
⁹T⁷ai²-lao⁴³ nte³ xi²nquio⁴³ nca³
si⁴²cja¹ya³. Tsjoa¹ c²oa⁴t⁷iaon⁴³.
¹⁰Jo³-s⁷in² cjoa⁴nta³ tsa³c⁷ai²-

le⁴, nca³ jnco¹jnco¹ ca²ta³si¹chjen¹
t⁷a³ts⁷e⁴ xi³ cja⁴⁷ai¹. Ca²ta³si¹chjen¹
jo³-s⁷in² xi³ nta³ si¹chjen¹ xi³
cja⁴⁷ai¹nca¹ cjoa⁴nta³-le⁴ Ni³na¹.
¹¹Tsa² jnco³ xi³ nchja⁴, ca²ta³nchja⁴
jo³ tso² en¹-le⁴ Ni³na¹. Tsa² jnco³ xi³
si¹xa¹cao⁴, ca²ta³si¹xa¹cao⁴ jo³ tjⁱⁿ¹
nca³n⁷ion¹ xi³ tsjoa¹ Ni³na¹, jme¹-
ni³ nca³ coi⁴tjo³je³ya³-si¹ni³ Ni³na¹
cao⁴ nca³yi³je³ cjoa⁴ xi³ to⁴⁷a³ts⁷e⁴
Jesucristo. Ts⁷e⁴ ni¹ cjoa⁴je³ya³
cao⁴ cjoa⁴te¹xo³ma³ xi³ ni⁴c⁷ia³-jⁱⁿ²
cjoe⁴t⁷a³. C⁷oa⁴ ca²ta³ma³.

**Chja³⁷a² cjoa⁴n⁷ain³ nca³
cho⁴ta⁴-le⁴ Cristo nia¹**

¹²Jon² xi³ cja¹nca³ tsjoa³que⁴-no³,
li² ma³xcon¹-jⁱⁿ²lao⁴³ xi³ fa³⁷ai³ne²-
no³, jo³-ni³ tsa² jnco³ cjoa⁴xcon¹
xi³ co³t⁷a³-ni³no³ cao⁴ l⁷i¹. ¹³Tsa²
chja³⁷a²cao⁴³ cjoa⁴n⁷ain³ Cristo,
to⁴sa³ nta³ ca²ta³ma³tsjoa³-no³,
jme¹-ni³ nca³ c²oa⁴-s⁷in² cja¹nca³
tsjoa³ coan⁴-si¹ni³no³ c⁷ia⁴ nca³
coan⁴tsen³ cjoa⁴je³ya³-le⁴ Cristo.
¹⁴Tsa² no²cjoa⁴⁷aon³-no³ xi³ t⁷a³ts⁷e⁴
jan³⁷ain¹-le⁴ Cristo, jo¹ to⁴nta³-
no³. Je² cjoa⁴je³ya³-le⁴ c²oa⁴ je²
Espíritu xi³ ts⁷e⁴ Ni³na¹ tjio¹cao⁴-
no³. Cjoa⁴qui²xi⁴ ni¹ je² cho⁴ta⁴
nchja⁴⁷aon³-le⁴ Cristo, to⁴nca³ jo³
n⁷iaon²³ nca³ jon² tjio¹sje³je³ya³-
ni¹. ¹⁵C⁷oa⁴-s⁷in² ni⁴jnco³-jⁱⁿ² xi³
jon² cjoa⁴⁷a² cjoa⁴n⁷ain³ jo³-ni³ tsa²
xi³ c⁷en³ qui³tjen⁴-le⁴, xi³ che¹, xi³
ch⁷ao³ s⁷in¹, a³xo⁴ xi³ ca³ni¹jⁱⁿ³
yao³-le⁴ xi³ tsi² tsa² je² v⁷a³cao⁴-
le⁴. ¹⁶To⁴nca³ tsa² jnco³ xi³ fa³⁷a¹
cjoa⁴n⁷ain³ nca³ cho⁴ta⁴-le⁴ Cristo,
a³li² ma³soa³-jⁱⁿ²le⁴. To⁴sa³ nqui²sa⁴
ca²ta³v⁷a³sje³je³ya³ Ni³na¹ nca³
y⁷a³ jan³⁷ain¹-le⁴. ¹⁷Je³ji³cho²
ni⁴chjin³ nca³ c⁷oe⁴²ts⁷ia⁴cao⁴ nca³

s²e⁴nta³jⁱⁿ³-le⁴ cho⁴ta⁴-le⁴ Ni³na¹. Tsa² ti¹tjon² c⁷oe⁴²ts⁷ia⁴cao⁴-na¹ nca³ ña¹, jo¹-s⁷in² cjoa⁴t⁷a³-le⁴ xi³ tsi² tsa² si¹tjo³son²-le⁴ je² en¹nta³-le⁴ Ni³na¹. ¹⁸Tsa² ñ⁷ain³ vi³tjo³ntjai² je² xi³ qui²xi⁴ v⁷e¹ma³, jo¹-s⁷in² coi⁴tjo³ je² xi³ tsi² ma³cjain¹-le⁴ cao⁴ xi³ cho⁴ta⁴je¹. ¹⁹Coi³ cjoa⁴ je² xi³ fa³⁷a¹ cjoa⁴ñ⁷ain³ jo³ qui³tso² Ni³na¹, nta³ ca²ta³s⁷in¹, ca²ta³tsjoa¹t⁷a³-le⁴ ni⁴ma⁴-le⁴ Ni³na¹ xi³ nta³ qui³si³nta³ nca³yi³je³.

Je² cho⁴ta⁴jchi¹nca³ ca²ta³si¹coi²nta⁴
je² cho⁴ta⁴-le⁴ Cristo

5 V⁷e³ts⁷oa²³-le⁴ nca³ts⁷i³
cho⁴ta⁴jchi¹nca³ xi³ tjio¹jⁱⁿ³-
no³, c⁷oa⁴-ti⁴ an³ cho⁴ta⁴jchi¹nca³
nia¹³ cao⁴ je². An³ tsa³⁷ve³ cjoa⁴ñ⁷ain³
xi³ qui³s⁷e³-le⁴ Cristo, c⁷oa⁴-ti⁴ an³
s⁷e³-na³ cjoa⁴je³ya³ xi³ coan⁴tsen³.
²Ti⁴coi²ntao⁴³ je² cho⁴ta⁴-le⁴
Ni³na¹ xi³ tjio¹jⁱⁿ³-no³. A³li² cao⁴
cjoa⁴n⁷ion¹-jⁱⁿ² ni²coi²ntao⁴³,
to⁴cao⁴ cjoa⁴nta³-no³ c⁷oa⁴s⁷iaon⁴³.
A³li² t⁷a³ts⁷e⁴ xi³ coi⁴njen⁴-no³ xi³
ch⁷ao³ tjⁱⁿ¹, to⁴cao⁴² cjoa⁴tsjoa³
c⁷oa⁴s⁷iaon⁴³. ³A³li² tsa² n⁷ion¹-jⁱⁿ²
v⁷e²ne²-lao⁴³ cho⁴ta⁴ xi³ v⁷a³cao⁴-no³,
to⁴nca³ tja³ntia⁴²-lao⁴³ cho⁴ta⁴-le⁴
Ni³na¹. ⁴C⁷ia⁴ nca³ coan⁴tsen³ je²
Pastort¹tjon² xi³ si¹coi²nta⁴, jon² xi³
tjoe¹-no³ je² corona xi³ tsi² fi³tsen³,
xi³ ts²e⁴ cjoa⁴je³ya³. ⁵C⁷oa⁴-ti⁴ jon²
xi³ na³nqui³ ti³yo³, ti⁴tjo³son²-
lao⁴³ cho⁴ta⁴jchi¹nca³. Ca²ta³ma³
i³nta³jⁱⁿ³-ta³con²lao⁴³ xi²nquio⁴³
nca³ts⁷io³, ca²ta³fa³⁷a³jen³-no³, nca⁴
Ni³na¹ v⁷e²jna³ta²ja³-le⁴ xi³ nc⁷a³con³.
Tsjoa¹-le⁴ cjoa⁴nta³ je² xi³ i³nta³jⁱⁿ³-
ta³con². ⁶So³ma⁴t⁷a³nqui³-lao⁴³ ntsja³
Ni³na¹ xi³ tjⁱⁿ¹-le⁴ nca³n⁷ion¹, jme¹-
ni³ nca³ je² si⁴²quin³nc⁷a³-si¹ni³no³

c⁷ia⁴ nca³ coi⁴cho³ ni⁴chjⁱⁿ³-
ve⁴. ⁷Je² ti⁴c⁷a³mio³ nca³yi³je³
cjoa⁴ni²cjoa¹jⁱⁿ³-no³, nca⁴ je²
ti¹si¹coi²nta⁴-no³. ⁸To⁴jvi³ to⁴⁷i³nta³
ti⁴yo³, ti⁴yo³chon³⁷ntao³, nca⁴ je²
co²ntran⁴-no³, je² nai⁴², jo³-ni³ tsa²
xa³ xi³ ti¹va³te¹, ti¹si¹c⁷o¹tji³ntai³-no³,
ti¹va¹sjai³ ⁷ya³ xi³ squi⁴ne⁴. ⁹N⁷ion¹
ti⁴yo³ta²ja³-lao⁴³ je² nai⁴². N⁷ion¹
ti⁴yo³-lao⁴³ xi³ ma³cjain¹-no³, nca⁴
je³yoa³ nca³ ti⁴je²-ni³ cjoa⁴ñ⁷ain³
c⁷oa⁴-s⁷in² vi³tjo³son² cao⁴ nca³ts⁷i³
nts⁷ao³ xi³ tjio¹ i⁴ son³⁷nte³. ¹⁰To⁴nca³
Ni³na¹ xi³ tjⁱⁿ¹yi³je³-le⁴ cjoa⁴nta³,
xi³ qui³nchja⁴-na¹ xi³ to⁴t⁷a³ts⁷e⁴
Jesucristo, nca³ s⁷e⁴-na¹ cjoa⁴je³ya³-
le⁴ xi³ ti¹jna³ nca³ntsja¹. C⁷ia⁴ nca³
je³qui³chja³⁷a² jnco³tjo²³ cjoa⁴ñ⁷ain³,
coan⁴scan³-ni³ je² soa³ Ni³na¹
si⁴²nta³ya³-no³, si⁴²c⁷e¹jna³nta³-
no³, tsjoa¹-no³ nca³n⁷ion¹, nta³
si⁴²c⁷e¹yo³-no³. ¹¹Je² ca²ta³s⁷e³-
le⁴ cjoa⁴je³ya³ cao⁴ cjoa⁴te¹xo³ma³
nca³ntsja¹. C⁷oa⁴ ca²ta³ma³.

Cjoa⁴ni²ti²⁷nta³ xi³ fe³t⁷a³

¹²Tsen³ ma³-na³ nca³ n⁷ion¹
t⁷a³con³ nts⁷e³ Silvano, je² xi³
qui³squi³ xi³ t⁷a³ts⁷an⁴, nca³
an³ qui³sca³ni³ i⁴ts¹-no³ en¹.
Ti²v⁷e³ne²³-no³, ti²si³qui²xi⁴ya³-
no³ nca³ ña³qui³ cjoa⁴nta³-le⁴
Ni³na¹ je²-vi⁴ xi³ ti³yo³jⁱⁿ³-lao⁴³.
¹³Si¹ti²⁷nta³-no³ je² cho⁴ta⁴-le⁴
Cristo xi³ tjio¹ ya⁴ Babilonia, xi³
to⁴jnco³ qui³tjoe¹jⁱⁿ³ cao⁴ jon².
Si¹ti²⁷nta³-no³ Marcos, ⁷nti¹-
na⁴. ¹⁴Ti⁴ti²⁷ntao³ xi²nquio⁴³,
t⁷e²t⁷a³ts⁷oao²³ xi²nquio⁴³, nca³
c⁷oa⁴-s⁷in² tsjoa³chao³ xi²nquio⁴³.
Ca²ta³njen³nch⁷an¹jⁱⁿ³ ni⁴ma⁴-no³
nca³ts⁷io³ xi³ ti³yo³cao⁴³ Jesucristo.
C⁷oa⁴ ca²ta³ma³.